

Relacionista Publico di AZV Sra. Solange Tchong

Diferente pais ta deliberando riba uzo di Cannabis como medio medicinal



Relacionista Publico di AZV Solange Tchong

ORANJESTAD – E hecho cu Cannabis ta ilegal na Aruba, no ta nifica cu no por habri un discusion riba e topico. Relacionista Publico di Seguro Medico General(AZV) a bisa cu hopi pais ta hibando discusion riba e exito di e producto y si berdad e ta benefecia y cura malesanan.

HULANDA

AZV a bay check na diferente otro paisnan, entre nan Minis-

terio di Salubridad y deporte di Hulanda. Nan tin nan propio pagina WEB, unda nan ta splica kico ta e evidencia cu nan tin den caso di uzo di Cannabis como medio medicinal. Segun informacion riba e pagina web di Ministerio di Salubridad Publico Hulandes, ta bisa cu tin casonan cu por uza e Cannabis pa dolor, kraam di musculo, e malesa Multiple Sclerosis y tambe e Medula Espinal (Ruggemerg). Tambe

tin casonan conoci caminda e Ministerio di Salubridad por keda uza tambe contra di sacamento of nausea ocasiona pa remedinan cu ta ser uza durante proceso di kimoterapia of bestraling di cancer. Asina por haya un impresion di diferente otro malesanan cu por uza e producto.

MERCA Y LATINO AMERICA

Tchong a indica cu tambe a busca basta informacion con e situacion ta na Merca. Manera tur hende sa, Merca ta un pais caminda cu e Cannabis tambe ta ilegal y no ta tur caminda

e ta ser acepta. Na Merca tin dos estado caminda cu si nan ta uza Cannabis como remedi. Di e forma aki tin otro paisnan caminda cu a haya informacion den Latino America, caminda cu tin inicio di plannan caminda cu tin diferente Presidente di paisnan ta evalua pa legalisa Cannabis den nan pais. Uruguay ta un di e paisnan cu kier introduci y legalisa Cannabis, cu propositonan medico y pa yuda e hendenan cu e remedi aki.

DELIBERA

E Relacionista Publico a bisa cu tin hopi paisnan cu ta dis-

cutiendo e topico aki y e ta evaluando e mata di marihuana. Di un banda den hopi pais e mata ta ilegal, pero di otro banda ta pensa cu tin beneficiannan den e producto. Door cu AZV ta un seguro, ta importante pa informa e aseguradonan y a splica cu na Aruba e marihuana ta ilegal. E motibo pakico na Aruba no tin deliberacion riba e topico aki, ta paso no a habri e discusion aki na Aruba ainda. Apesar di e punto aki, Tchong a bisa cu AZV di su banda ta buscando tur tipo di informacion riba e topico pa toch sigui e desarrollo di esaki. □